



Briavan von Vorsitzar von 11 bintmånat 2025

<i>Briaf nummar</i>	<i>Ma redet vo:</i>	<i>'Z izta khent auzgemacht</i>
34	Ånemmen ke 'z izta khent untarschribet dar akòrd vor bazta ågeat in gèlt von kontratt vor di drai djar 2025-2027 vor di ågestèllte von lånt emtar – diridjént raum, sekretardje von kamöü un raum nèt diridjéntzial.	1. Zo khöda ke nå in artikl 176 von Kòditze von Lånt Emtar vodar autonome Redjong Trentino-Südtirol ågenump pinn redjonål Gesetz von 3 von madjo 2018 n. 2 atz 16 von bimmat 2025 soinda khent untarschribet dise akòrde: – akòrd zo vornaügra in kontratt vor di djar 2025-2027 vor di ågestèllte von kompàrt von Lånt Emtar raum diridjéntn un sekretardje von kamöü, – akòrd zo vornaügra in kontratt vor di djar 2025-2027 vor di ågestèllte von kompàrt von Lånt Emtar raum nèt diridjéntzial; asó azpe da iz geschribet in briaf von Konsòrtzio von kamöünder ågenump pinn ünsar protokòll n. 1841 von tage 24/10/2025; 2. Zo khöda ke 'z gèlt auzzala di ågestèllte bodasan hãm rècht nå in akòrd khött aftn punkt 1 bartn khemmen untargelekk pittnann spetarn provedimént dòpo azta iz khent gemacht a garadega bilàntz bèkslom;
35	Art. 175 un 193 von Uantze Tèkst vor di Lånt Emtar D.Gsz 18 snitt 2000 n. 267: bèkslom pitt groaza aile von vorauzsichtege finantzièll Bilàntz 2025-2027.	1. Åzonemma nå in sèll boda iz geschribet in vorbort un nå in artikl 175 von D.Gsz n. 267/2000, disa bèkslom von vorauzsichtege finantzièll Bilàntz 2025-2027 pitt groaza aile in gântzan vo € 121.492,09 saiz in

		innziang saiz in auzgem vor allz daz sèll boda khint khött in vorbort asó azpe da iz geschribet in prospèkt khlupp “A” vo disan provedimént boda iz in gântzan toal von provedimént sèlbart; 2. Zo khöda ke ’z gèlt boda hintar steat nèt untargelekk nâ in sèll boda auzkhint vodar rèchnung 2024 iz in gântzan € 219.710,71 vo disan, da khemmenda genützt € 34.640,16 zo dekha bazta khint gezert in konto kapitâl zo bèksla schoanantese sèlbart bazta iz gest khent auzgemacht pitt soin Dekrèt n. 31 von 27.10.2025, “Zuargem schütz vor arbatn zo pezzra di umbèlt un di enerdjia in Kamöündar von Toalkamòu vodar Zimbar Hoachebene un untarleng ’z gèlt boma bart zern”; 3. Zo khöda ke nâ in sèll boda khint khöt aftn pellare punkt dar vorauzsichtege bilântz 2025 – 2027 khint gebèkslt lai vorz djar 2025; 4. Zo bèksla bazta iz khent untargelekk in kassa font asó azpe da khint geschribet punkt vor punkt in di khlupp “B” boda iz in gântzan toal vo disan dekrèt, khödante o ke an lestn dar kassa font steat hèrta positif; 5. Zo khöda ke dòpo zo haba någeschauget bia ’z izta khent gevüart dar finantzièll bilântz von djar 2025 un von sèll vor mearare djardar 2025-2027 saiz vor bazta âgeat garade soi kompeténtz saiz von sèll boda hintarsteat drinn pitt alle di bèkslom khinta nicht auz boda mage zuargem zo haba schulln odar zo ventzra gèlt asó soinda nèt mângl ândre provediméntn zo kheara zo macha glaichan di konte asó azpe da auzmacht dar artikl 193 von D.Gsz. 267/2000, khödante ke ’z khinta gesichart dar printzipio vodar glaiche von vorauzsichtege bolântz 2025; 6. Zo khöda ke ’z soinda khummane schulln auz Bilântz zo glaicha nâ in artikl 194 von D.Gsz n. 267/2000;
36	Bèksln sèlbart zo schoanase soin Dekrèt n. 31 von 27.10.2025, boda “Zuargem schütz vor arbatn zo pezzra di umbèlt un di enerdjia in Kamöündar von Toalkamòu	1. Richtn vor allz daz sèll boda khint geschribet in vorbort soin Dekrèt n. 31 von 27 bimmat 2025, sèlbart schonantese, haltante gelaich in schütz zuargètt in kamòu vo Lusérn machante nemmen toal in proportziong in zboa gröazarn Kamöündar zo halta au in khlümarne. In da gelaichege

	vodar Zimbar Hoachebene un untarleng 'z gèlt boma bart zern".	zait lekkma untar mearar gèlt vor di ändarn zboa Kamöünder asó zo maga zuargem in schütz in proportziong in pürger roatante abe bazta sa iz khent zuargètt in Kamòu vo Lusérn. Di naüng protzentualn soinz dise da untar: - Kamòu vo Folgrait 67% - Kamòu vo Lavròu 25% - Kamòu vo Lusérn 8%; 2. Zuarzogeba nà in sèll boda iz khent auzgemacht pinn Dekrèt von vorsitzar n. 35 von 11 bintmånat 2025 Bèkslom pitt groaza aile von vorausichtege Bilàntz 2025-2027, nà in artikln. 175 un 193 von Uantze Tèkst von Lånt Emtar D. gsz. 18 snitt 2000 n. 267, åndarz gèlt in Kamöünder in gântzan vor € 18.859,18 vor prodjèkte zo pezzra di umbèlt asó azpe da khint geschribet da untar: - in Kamòu vo Folgrait € 17.916,21; - in Kamòu vo Lavròu € 942,97; 3. Zuarzogeba nà in sèll boda iz khent auzgemacht pinn Dekrèt von vorsitzar n. 35 von 11 bintmånat 2025 Bèkslom pitt groaza aile von vorausichtege Bilàntz 2025-2027, nà in artikln. 175 un 193 von Uantze Tèkst von Lånt Emtar D. gsz. 18 snitt 2000 n. 267, åndarz gèlt in Kamöünder in gântzan vor € 15.780,98 vor prodjèkte vor da enerdjì pezzarung asó azpe da iz geschribet da untar: - in Kamòu vo Folgrait € 14.991,94; - in Kamòu vo Lavròu € 789,04; 4. Zo lazza az saibe dar Pürgermaistar Rat, lai vor bazta ågeat in pellarn pünkt, un vor daz sèll boda iz geschribet in vorbort, åzonemma an garadegen regolamént zo schètza djüsst biavl zuarzogeba in kamöünder vo sött prodjèkte un zo mèzza biavl dise schütz vüarn auz in di djar zo geba bidrømm.
37	Ånemmen in kontràtt pitt Trentino Riscossioni S.p.A. feroine von provintziàl sistèm zuargebante garade, nà dar konventziong pittar provìntz, zo nemma au 'z gèlt boda dar Toalkamòu vodar Zimbar Hoachebene hatt zo haba vor di djar 2026-2031.	1. Åzonemma in skèm von kontratt zuarzogeba dar feroine Trentino Riscossioni S.p.A. in dienst auzonemma 'z gèlt boda dar Toalkamòu hatt zo haba nà in sèll boda khint khött in di khlupp D "Bia aunemmen 'z gèlt nà in artikl 2 kòmma 1 puachstabe d)" un skèm von kontràtt pitt alln soìn briavan inngeschribet in ünsar protokòll n. 1926 von 05/11/2025;

		2. Zo lazza az saibe dar Sekretardjo von Toalkamòu, dokt. Roberto Orepuller zo bèksla bazta bart soin mǎngl von sèll boda nonet iz sichar un zo lega darzuar bazta menglt azta hebatn zo bèksla di nòrmen, un darzuar allz daz sèll boda iz mǎngl zo tüana nǎ in sèll boda auz macht disar provedimént, bazta bart mochan khemmen gezert o un baz zo geba zo tüana garade dar Trentino Riscossioni S.p.A.; 3. Zo khöda ke disar Toalkamòu nimp toal atz Trentino Riscossioni S.p.A. vor bazta âgeat djeneràln un istituzionaln dienst (aunemmen augèlt un schulln) un nèt dienst boda prodürn geplèttra boda nèt iz garade gepuntet pitt soin istituzionaln ziln; 4. Zo lazza az saibe dar Responsabile von Finantzièll Dienst zo nemma alle di provediméntn un untarzolega 'z gèlt boda iz mǎngl alle djar;
38	Ånemmen di kritèrie un bia zuarzogeba di schütz vor di studjént un vor di viazan nǎ in artìkl 72 von provintziàl Gesetz 7 snitt 2006, n. 5 - schauldjar 2025/2026.	1) Åzonemma vor allz daz sèll boda iz geschribet in vorbort in auszschreibung boda innhaltet di kritèrie zuarzogeba di schütz vor di studjént nǎ in artìkl 72, kòmma 1, puachstabe e) von provintzial Gesetz afte schualn von 7 snitt 2006, n. 5 – schauldjar 2025/2026 – geschribet in di khlupp A), boda iz in gǎntzan toal vo disan provedimént; 2) Åzonemma vor allz daz sèll boda iz geschribet in vorbort in auszschreibung boda innhaltet di kritèrie zuarzogeba di schütz vor viazan nǎ in sèll boda auzmacht dar artìkl 72, kòmma 1, puachstabe g) von provintzial Gesetz afte schualn von 7 snitt 2006, n. 5 – schauldjar 2025/2026 – geschribet in di khlupp B), boda iz in gǎntzan toal vo disan provedimént; 3) Åzonemma in mustar vor in vorsch zuarzogeba di schütz in studjént nǎ in artìkl 72 von provintziàl Gesetz 7 snitt 2006 n. 5, khlupp C) boda iz in gǎntzan toal vo disan provedimént un in mustar von vorsch zuarzogeba in schütz vor di viazan nǎ in artìkl 72, kòmma 1, puachstabe g), von provintizàl Gesetz 07.08.2006 n. 5, khlupp D) boda iz in gǎntzan toal vo disan provedimén; 4) Zo khöda az saibe di sekreteri von dienst von schualn åzonemma in roatordnung von sèlln bodasan hǎm rècht, drauizoschauga azta allz

		gea azpe ‘z hatt z’soina un azta daz sèll boda iz geschribet in di vorsch inngètt saibe bar un dena untarzolega ‘z gèlt innschraibantez in bilantz vo haürun auzzala di schütz vor daz schauldjar;
--	--	--